

(1286 — 1289) որ Հեթում թագաւորի կողմէ ամբողջնկէց ըլլալով շղթայակապ բանտարկուեցաւ Լամբրոնի մէջ եւ յետոյ առաջնորդ եղաւ Սկիւայի, եւ կամ՝ Կոստանդին Գ. կթղ. Լամբրոնացին ըլլայ թերևս, որ Սկիւայի վանքին մօտիկ Լամբրոնի բերդէն էր (1323—1326):

ԿՈՍՏԱՆԴԻՆ ԿԹՂ. ԲԱՐՁՐԲԵՐԿՅԻ. (1221—1267). Հայրը՝ Վահրամ, մայրը՝ Շողիկ, եղբայրները՝ Գրիգոր և Գեորգ, եղբորորդին՝ Թորոս ֆն. և անոր որդին՝ Ստեփաննոս (Թորոս Աղբար, Բ. էջ 359): 1238ին ուխտաւորութեամբ կ'այցելէ Ս. Յակոբի վանքը. «Կոստանդին կաթողիկոս ընդ կաթողիկոսին Ասորոց երթայ յերուսաղէմ յուխտ.» (Սխաւան, էջ 554):

ԿՈՍՏԱՆԴԻՆ ԿԹՂ. ՎԱՀԿԱՅԻ.— (1430 — 1439). ՄԶ. Թ. 251 ձեռագիրը նկարագարդ մագաղաթեայ Աւեստան մ'է՝ ուրուն առաջին յիշատակարանէն կը հասկցուի թէ՛ նոյն ձեռագիրը 1260ին կ'ընդօրինակուի Հոռմիլայի մէջ Կոստանդին կթղ. Բարձրբերդցիի համար. նկարչութեամբ նշանաւոր Թորոս Ռոսլինի: Այս թանկագին ձեռագիրը ժամանակ յետոյ գրաւ կը դրուի ասորի Սօճա Սահլէտտին անուն մէկուն մօտ. Վահկացին՝ դեռ եպս. փափաքող կ'ըլլայ ձեռագիր մը ունենալու. կ'իմանայ որ՝ յիշեալ ձեռագիրը գրաւ կը մնայ նոյն ասորիին մօտ. ամէն ջանք կը թափէ եւ ՍԶ Փլորիի կը գնէ ու կ'ստանայ և ոսկեղօծել ու արծաթել կուտայ զայն: Պատմական տեսակէտով ձեռագրիս բոլոր յիշատակարանները կարևոր են. մենք կը քաղենք անոնցմէ միայն այն մասերը՝ որ կապ ունին մեր նիւթին հետ. Վահկացին իր մասին կը գրէ «... յիշեցէք ի սբ և ի մաքրափայլ յաղաւթս ձեր զտր Կոստանտինս. և ըզձնաւզս իմ. գՎասիլ և զմայրն իմ զՏիրուհի, եւ զԱյ. արիևստֆ զառուսիև իւ զՄարիուն. եւ զաժսուր որդեակի իւ զակոք. Ժ. ամեայ փոխեցաւ ի Քս. և ինձ մեծ սուգ և տրտուութիւն եղև. որ այլ չունիմ ինձ մխիթար յաշխարհս. բայց միայն զՔս. որ մխիթարիչ է հոգոց և մարմնոց կենդանեաց և ննջեցելոց, ... Արծաթապատ զարգարեցաւ ի մեծ թվին Հայոց ՊԿԻ (= 1413) և ի Հայր. տն. տր. յակոբայ. կթղկսի. ընդհանուր ամ. հայկազեան սեռի. և ի նորա ամբողջալուծեան տր. վահրամին ...»: Այս յիշատակարանը գրած է Աստուածատուր երէց: Կոստան-